

PJESË NGA KUSHTET E PËRGJITHSHME TË SIGURIMIT NGA AKSIDENTET PERSONALE

OBJEKTI I SIGURIMIT

Me këtë policë sigurimi, personat e siguruar janë të mbuluar për rreziqet e treguara në "Tabelën e Përfitimeve".

SHKALLA E PËRFITIMEVE

Përfitimi për vdekjen

Paguhet në masën 100% të shumës së siguruar. Nga ky përfitim zbriten përfitimet e paguara për paaftësi të përkohshme apo të përhershme.

Përfitimi për paaftësinë e përkohshme totale

Paguhet 0,12% të shumës së siguruar për çdo ditë paaftësie, pa përfshirë ditët e pushimit.

Përfitimi për paaftësinë e përhershme të pjeshme

Llogaritet në përqindje mbi shumën e siguruar sipas përqindjeve dhe kriterëve të tabelës së shkallës së paaftësive:

Përfitimi për paaftësinë e përhershme totale

Do të paguhet në masën 100% të shumës së siguruar.

Në të gjitha përfitimet e mësipërme është inkluduar përfitimi për paaftësi të përkohshme.

Përfitimi për shpenzime mjekësore

Paguhet si përfitim shtesë nga Siguruesi deri në masën 12% të shumës së siguruar.

RREZIQET E PËRJASHTUARA

Ky sigurim nuk do të mbulojë vdekjen apo paaftësinë që pëson i Siguruari për shkak të:

a) Luftës, invazionit, akteve armiqësore të jashtme, veprimeve ushtarake (pavarësisht nëse lufta është e shpallur apo jo), luftës civile, rebelimit, revolucionit, revoltave të brendshme, grushteve të shtetit. Në situata të tilla Siguruesi mbulon në sigurim vetëm 7 ditët e para, duke bërë anulimin e policës duke filluar nga dita e tetë e anormalitetit;

b) Kontaminimit radioaktiv, shpërthimeve bërthamore, përmblyetjeve, zhvendosjes së tokës, tërmeteve, shpërthimeve vullkanike;

c) Drejtimit të mjeteve motorike tokësore, ujore, ajrore, pa qenë i paisur me dëshminë përkatëse të aftësisë, apo të qenurit si pasagjerë në mjetet e lartpërmendura të pa licensuara për transport pasagjerësh;

d) Përdorimit të aeroplanëve pa motor, qëndrimit si pasagjer në to, si dhe parashutimit;

e) Përdorimit të lëndëve eksplozive dhe korrodive, përveç kur është në përmbushje të detyrës profesionale;

f) Përfshirjes së të siguruarit në aktivitete të paligjshme, apo kriminale;

g) Akteve të kryera me dashje apo të tentuara nga i Siguruari apo përfituesi në dëm të të Siguruarit;

h) Pjesmarrja e të Siguruarit në sulme apo veprime e kundërveprime të dhunshme të provokuara me të tretët, përveç kur i Siguruari vepron në kushtet e mbrojtjes së nevojshme;

i) Ekspozimi i hapur dhe me vetëdije nga ana e të Siguruarit kundrejt rreziqeve përveç kur synohet apo tentohet shpëtimi i jetëve njëjzore;

j) Influencës së alkolit apo drogës, përveç rasteve kur droga merret sipas këshillave të mjekut dhe nën supervizionin e tij dhe që ka si qëllim shërimin e vëstit të përdorimit të drogës apo pasojave të përdorimit të saj;

k) Shtatëzani, lindjes apo abortit të fëmijës;

l) Sëmundjeve veneriane, sëmundjeve seksuale të transmetueshme, sëmundjeve si pasojë e virusit HIV, përfshirë SIDA si dhe çdo sëmundje që prek të siguruarin dhe që nuk ka lidhje me aksidentin;

m) Çdo lloj defekti fizik apo mendor paraekzistues përveç kur është deklaruar me shkrim nga i Siguruari dhe është pranuar nga Siguruesi;

n) Ndërhyrjeve kirurgjikale, kontroleve apo kurimit për pasojat që nuk lidhen me kushtet e kësaj police.

KUSHTE TË VEÇANTA

a) Siguruesi paguan dëmshpërblimin për pasojat e drejtpërdrejta dhe të shkaktuara nga aksidenti.

b) Në rast se në momentin e ndodhjes së aksidentit i Siguruari nuk ka qenë fizikisht i plotë dhe i shëndetshëm, janë të dëmshpërblueshme vetëm pasojat që do të vërtetoheshin sikur aksidenti t'i kishte ndodhur një personi fizikisht të plotë dhe të shëndetshëm.

c) Në rast se shkaktohet humbja anatomike ose pakësimi funksional i një organi ose gjymtyrë të dëmtuar para aksidentit, përqindjet e treguara më sipër do të zvogëlohen, duke marrë parasysh shkallën e invaliditetit të mëparshëm.

d) Në rast se për shkak të aksidentit, vjen si pasojë pakësimi por jo humbja e plotë e përcaktuar në tabelën e përfitimeve për paaftësinë e përhershme të pjeshme, përqindjet e treguara në tabelë do të zvogëlohen në përpjesëtim me shkallën e humbjes anatomike, apo funksionale.

e) Përfitimi për paaftësi të përkohshme do të paguhet për jo më shumë se 12 muaj, qoftë edhe jo të vijueshme.

DEKLARIME TË PASAKTA

Nëse Siguruesi konstaton njoftime apo deklarata jo të plota apo të pasakta të bëra me dashje, kjo përbën shkak për zgjidhjen e policës së sigurimit.

HYRJA NË FUQI E SIGURIMIT

Polica e sigurimit hyn në fuqi në orën 24 të ditës së 7 pas arkëtimit të primit apo kështit të par të tij. Arkëtimi i primit do të konsiderohet arkëtimi në arkën apo llogarinë rrjedhëse të Siguruesit apo agjentit

NJOFTIMI I AKSIDENTIT

I Siguruari, apo përfituesi, është i detyruar të njoftojë Siguruesin brenda ditës (24 orëve) për aksidentin e pësuar dhe pasojat e tij si dhe të zbatojë porositë e dhëna nga Siguruesi. Formulari me shkrim i njoftimit të aksidentit duhet të dërgohet pranë Siguruesit brenda 14 ditëve nga dita e aksidentit (në rast të kundërt humbet të drejtën e përfitimit). Siguruesi është i lirë të kryejë verifikimet dhe ekspertimet e nevojshme.

KËRKESA PËR MARRJEN E PËRFITIMIT

I Siguruari apo përfituesi për marrjen e përfitimit i paraqet Siguruesit kërkesë me shkrim (e cila përmban emrin e personit të Siguruar, numrin dhe datën e lëshimit të policës).

Dokumentacioni i plotë i dorëzohet Siguruesit brenda 30 ditëve nga data e aksidentit. Barra e shpenzimeve për marrjen dhe dërgimin e dokumenteve tek Siguruesi është në ngarkim të të Siguruarit.

PAGESA E PËRFITIMIT

Siguruesi është i detyruar të miratojë apo refuzojë përfitimin e pretenduar nga i Siguruari brenda 30 ditëve nga data e dorëzimit të dokumentacionit të plotë nga ana e të Siguruarit. Për çdo ditë vonese Siguruesi paguan në favor të të Siguruarit një penaltitet në masën 0,1% të vleftës së përfitimit. Paga e përfitimit bëhet në monedhën e treguar në policën e sigurimit

DISPOZITA TË TJERA

Mosmarrveshjet që mund të lindin midis Siguruesit dhe të Siguruarit, në rast se nuk zgjidhen me mirëkuptim mes palëve, zgjidhen me rrugë gjyqësore.

Përveç sa është parashikuar shprehimisht në këtë policë, do të zbatohen dispozitat e Kodit Civil.